



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo Roffensi, Archidiacono Bathoniensi, & Magistro Vu. de sancta fide  
Canonico Vvellen.

**urn:nbn:de:hbz:466:1-20006**


merito debeat ipsius favoris dextera  
communiri. Datum Laterani III. Kal.  
Novembris.

*EPISCOPO ET CAPITVLO  
Aversan.*

Epif. 401.  
Vt Neapolitanu-  
no Archiepisco-  
po obtempe-  
rent.

**C**VM simus singulis in sua justitia de-  
bitores, fratrum & coepiscopo-  
rum nostrorum gravamina nec possu-  
mus nec debemus æquanimiter sustine-  
re, aut pati quod aliquis à sui superioris  
obedientia præter auctoritatem judicia-  
riam qualibet occasione recedat. Hoc  
siquidem attendentes, cùm Ecclesia ve-  
stra haec tenus ecclesiæ Neapolitanæ re-  
sponderit, & prædecessores tui, frater  
Episcope, & prædecessoribus venerabilis  
fratris nostri Neapolitani Archiepisco-  
pi consecrationis & confirmationis con-  
sueverint beneficium obtinere, ita quod  
bonæ memoriarum L. prædecessor tuus (cui  
felicis recordationis C. Papa prædeces-  
sor noster ex collata sibi plenitudine po-  
testatis sine præjudicio Ecclesiæ Neap. in-  
munus consecrationis indulxit) obedien-  
tiā & reverentiam, sicut Metropolita-  
no suo, curaverit eidem Archiepiscopo  
exhibere, ne dicta Ecclesia Neapol. iuxta  
possessionis commodo, prætermisso ju-  
ris ordine, privaretur, te, frater Episcope,  
ad obedientium ei nostra mandavimus  
auctoritate compelli, adjacentes in  
literis nostris, quod si vos crederitis  
aliquid juris habere, illud postmodum  
audiremus. Cùm igitur super obedien-  
tia dicto Archiepiscopo exhibenda man-  
datum sit apostolicum adimplesum, ac  
nos per vestras duxeritis literas exoran-  
dos ut certum vobis præfigeremus ter-  
minum, quo adversus eundem Archi-  
episcopum vestram proponeretis & per-  
sequeremini actionem, discretioni vestra  
per apost. scripta mandamus quatenus  
in octavis Resurrectionis Dominicæ pro-  
ximè venturis nostro vos conspectui  
præsentetis, justitiam recepturi. Nos  
enim eidem Archiepiscopo dedimus in  
mandatis ut ad eundem terminum per  
se vel sufficientem procuratorem ad præ-  
sentiam nostram accedat, vobis plenariè  
responsurus. Datum Laterani VI. Idus  
Novembris.

*Scriptum est dicto Archiepiscopo ut tem-  
pore constituto accedat.*



*ARCHIPRESBYTERO  
& Clericis Burgen. Ecclesie.*

**C**VM civitas Parmen. & cives ejus  
excommunicationis subjecti fuissent  
propter violentam invasionem & depræ-  
dationem dilecti filij P. sanctæ Mariæ in  
via lata Diaconi Cardinalis, & Ecclesia  
vestra à jurisdictione venerabilis fratris  
nostri Parmen. Episcopi propter hoc  
fuisset exempta, donec satisfaceret com-  
petenter, ipsi Parmenses memorato Car-  
inali se obligarunt super restituenda  
mediatae pecuniae quæ ipsi Cardinali  
fuit ablata: cujus jam parte soluta, se  
partem reliquam soluturos præstata cau-  
tione juratoria promiserunt; & idem  
Cardinalis excommunicationis & inter-  
dicti sententias relaxavit, pecuniam remit-  
tentis quæ super exemptione Ecclesiæ ve-  
stræ Parmen. Ecclesiæ fuerat irrogata.  
Nos igitur quod à prædicto Cardinali  
super hoc factum est ratum habentes,  
vobis per præsentia scripta mandamus  
atque præcipimus quatenus præfato Par-  
men. Episcopo de cetero coniuetam &  
debitam obedientiam impendatis. Da-  
tum Laterani II. Idus Novembris.

*EPISCOPO ROFFENSI  
Archidiacono Bathoniensi, & Magistro  
Vu. de sancta fide Canonico Vullen.*

**E**X continentia literarum dilecto-  
rum filiorum Abbatis sanctæ Crucis  
de Waltham & magistri \* Simonis de  
Svelle nobis innotuit quod cùm olim  
quæstio quæ vertebatur inter dilectos fi-  
lios M. Phil. de Ludelevve ex una parte,  
Robertum & Vincentium Clericos ex al-  
tera, super Ecclesiæ de Streron, ipsis &  
quondam Abbatii de Straford, à bona  
memoriæ C. Papa prædecessore nostro  
comissa fuisset, eodem Abbatæ pariter  
& prædicto Vincentio de hac luce sub-  
tractis, prænominati duo judices juxta  
tenorem rescripti apostolici proceden-  
tes, attestaciones & allegationes utrius-  
que partis diligenter audierunt, & tan-  
dem cùm renuntiatum eis ab utraque  
parte fuisset, & secundum allegata diffi-  
nitiva esset sententia promulganda, con-  
tra magistrum P. adversa pars literas apo-  
stolicas arguit falsitatis, & eas esse falsas  
sub periculo causæ se firmiter asseruit  
probaturam, sibi legem imponens ut à  
causa caderet, nisi probaret evidentius  
falsitatem, & ne ulterius judices in cau-

Epif. 404.  
Qui allego-  
teras falsas eis,  
hoc probare  
neuit.

*Cap. Ex con-*

*scientia. Di-*

*crimine falsi.*

\* In et. id.

MS. Illust.

Viri Ioa. Bap.

Colberti ecca-

surg. Iohannes

de Sullen.

sa procederent, sedem apostolicam appellavit. Sæpedicto autem Phil. exhibente illum per quem literas impetravit, & firmiter promittente quod eas veras esse probaret, memoratus R. ab eisdem judicibus requisitus ut aliquam notam exprimeret falsitatis, propter quam falsas esse literas proponebat, nihil aliud specificare voluit, nisi quod eas falsas dixit, & afferuit à Cancellaria nostra nullatenus emanasse. Supradicti vero iudices ab ipso R. juratoria cautione recepta quod accusationem falsitatis prosequeretur, sicut superius est expressum, sequentem diem post Dominicam qua cantatur *Lætare Hierusalem* proximè præteritam, ad prosequendum coram nobis appellationem interpositam utriusque parti terminum præfixerunt. Ceterum præfatus Robertus in termino prætaxato ad præsentiam nostram accedens, super falsitate literarum ac processu negotij veritate suppressa (ut dicitur) à nobis ad prædictos iudices literas impetravit, & nihil prorsus de falsitatis accusatione proponens, à sede apostolica furtivè recessit. Verum nos literas ipsas, quæ redargutæ fuerant falsitatis, diligenter intuentes, nullum in eis signum falsitatis vel suspicionis invenimus, nisi paucarum literarum rasuras, quæ nequam sapientis animum in dubitationem vertere debuerunt. Ideoque discretioni vestrae per apostolica scripta mandamus quatenus inquiratis super his diligenter veritatem, & si vobis constiterit jamdictas literas à nobis fuisse veritate tacita impetratas, & saepidictum Robertum sese obligasse sub periculo causæ quod priores literas falsas esse probaret, cum inter ipsum & adversarium suum quæstio personalis agatur, & quilibet abrenuntiandi juri suo liberam habeat facultatem, ipsi Roberto super prædicta Ecclesia silentium imponatis. alioquin partibus convocatis audiatis caulam, & appellatione remota fine debito terminetis. Datum Laterani XIII. Kal. Novembris.

EPISCOPO ET S. MICHAELIS  
& sancti Epiphani Prepositis  
Papiensibus.

**A**ccidentibus olim ad præsentiam nostram dilectis filiis Carnelo & Bernardo Canonico & syndico sancti Iuventij Papien. dilectum filium nostrum

G. tituli sanctæ Mariæ trans Tyberim Presbyterum Cardinalem concessimus auditorem: coram quo fuit ex ipsius Carneli parte propositum, quod cùm olim Canonici sancti Iuventij Papien. bona memoriae Celestini Papæ prædecessoris nostri mandatum ipsi pro ejus receptione ac præbenda assignatione porrectum nolauissent humiliter adimplere, nec bona memoriae L. quondam Papien. Episcopus, qui super hoc literas ab eodem prædecessore nostro receperat, mandatum fuisse apostolicum executus, ipse ac prædictus Bernar. propter hoc ad sedem apostolicam accedentes, coram dilecto filio Hugone tituli sancti Martini Presbytero Cardinale, auditore sibi concessio, aliquandiu litigarunt: qui ad falsam ipsius B. suggestionem, qui prædictam Ecclesiam tam paupertate redditum quam fratrum asserebat numerositate gravari, ab instantia mandati apostolici & executionis absolvit. Ceterum Clerici ejusdem Ecclesie absolutorum non exceptato rescripto, sex in Canonicos elegerunt; tribus eorum integra beneficia, reliquis vero tribus aliquid nomine beneficij annis singulis conferentes. Cum autem ad audientiam nostram id fuisse eodem Carnelo referente delatum, intelligentes ipso facto prædictam absolutionem fuisse per falsam suggestionem obtentam, cum non esset verisimile dictam Ecclesiam paupertate gravari, ad quam ipsi vix absolutione per surreptionem obtenta,\* ob reverentiam beati Petri & nostram prædictum Carnelum in Canonicum & fratrem reciperen, & ei stallum in choro & locum in Capitulo & beneficium sicut uni ex aliis canonici assignarent. Dilectis etiam filiis nostris M. Subdiacono nostro Præposito Canonice Gualteri, Martino, Opizoni, Astorio magistris Canonicis sancti Michaëlis de Papia majoris præcipiendo mandavimus ut inquirerent de præmissis diligenter veritatem, & si rem cognoscerent taliter se habere, Canonicos memoratos ad recipiendum eundem Carnelum & beneficium assignandum, sublato appellationis obstaculo, ecclesiastica districione compellere non tardarent, quoslibet qui mandato apostolico se ducerent opponendos eadem districione severius compescentes. Veruntamen (sicut ex literis eorum accepimus) cùm partes ad suam præsentiam convo-

*Vide supra epist.  
116.*

\*Heic nonnulla  
deesse videntur.

Gg iij